

TIRE TE PŌLU U EFESUGIBU KUA

Pōlu u wāawa pirišəm sōō Romuō u ka tire te Efesugibu yorua. Ye u tu yorua u kpa, Tisikiwa u gōra u ka tu da. N sāare Efesun bera min Yesun yigbenu kpurowa u tire te yorua, n ñ mō teeru tōna.

Gbiikaa, u bu sōōsimō nge mē Yesun yigberugibu ba kua wasi tee Yesu sōō. Ū sōōsimō swaa ye Gusunō u kpa u ka win tambu gōsa ma u ben toranu suuru kua, ma u bu win Hunde Dεero wē.

Yiruse, u bu kirō mō bu ka ben wāaru di nōō tia sōō ye ya koo sōōsi ma Kirisi u wāa ben wāaru sōō ka gem.

Pōlu u garin weenasii dabinu sua u ka Yesun yigberun nōō tian gari bu yeerisia. U nεε, Yesun yigberu ta sāawa nge wasi, ma Yesu wi, u sāa yin wiru. Yigbe te, ta maa sāa nge diru, ma Yesu wi, u sāa ten gani gōmburun dam. Yigbe te, ta maa sāa nge kurō, ma Yesu wi, u sāa ten durō.

Tire ten kpunaa

1. Tōbiribu, wiru 1:1-2.
2. Kirisi ka win yigberu, wiru 1:3n di sere wiru 3:21.
3. Wāa kpaaru Kirisi sōō, wiru 4:1n di sere wiru 6:20.
4. Nōō kana tōbiribu, wiru 6:21-24.

Tōbiribu

¹ Bεε naanε dokeobu, bεε be i wāa Efesuō ma i ka Yesu Kirisi yōra dim dim, nε Pōlu, nε wi na sāa Yesu Kirisin gōro Gusunōn kīru sōō, na bεε tōbura.

² Gusunɔ bɛsɛn Baaba ka Yinni Yesu Kirisi bu bɛɛ durom kua kpa bu bɛɛ alafia kɛ̃.

Durom mɛ Gusunɔ sun kua

bɛsɛ ka Kirisin

gbinnaan saabu

³ I de su Gusunɔ siara bɛsɛn Yinni Yesu Kirisin Baaba. Bɛsɛ ka Kirisin gbinnaan saabu u sun wɔllun doma bwese bweseka kua saa win Hunden min di.

⁴ Bu sere handunia taka ko, Gusunɔ u sun gɔsa kɔ sa n ka sãa wigibu Kirisi sɔɔ, kpa sa n sãa dɛɛrobu ka taare sarirugibu win mi. Win kīru sɔɔ

⁵ u himba kua yellun di u sun ko win tiin bibu saa Yesu Kirisin min di. Win tɔn geerun sɔna u kua mɛ,

⁶ kpa su ka win durom yiikogim siara mɛ u sun kua bɛsɛ ka win Bii kīnasin gbinnaa sɔɔ.

⁷ Domi Kirisin yem saabuwa sa yakiara ma ba sun bɛsɛn durum suuru kua. Nge meya Gusunɔ u sun win durom bakam sɔ̃si,

⁸ mɛ u sun kua n banda ye u sun bwisi beke ka laakari yabua.

⁹ Ma u sun win asiri giasia ye win tii u gɔru doke u ko yellun di saa Yesu Kirisin min di.

¹⁰ Gusunɔn himba ye, ye u koo yibia dɔma te saa ya tura, yera u taka kooro kpuro menna sannu, ye kpuro ye ya wãa wɔllɔ ka ye ya wãa temɔ, kpa Kirisi u n sãa yen wirugii.

¹¹ Domi gãanu kpuro nu kooramɔwa nge mɛ Gusunɔn himba ka win kīru. Ma bɛsɛ ka Kirisin gbinnaan sɔ sa kua tubi diobu Gusunɔn mi ka win tiin himba ye u gɔru doke yellun di.

¹² N n mɛn na, i de su Gusunɔ bɛɛɛ wɛ̃, bɛsɛ be sa gbia sa yīiyɔbu mɔ Kirisin mi.

13 Mɛya maa sanam mɛ i gem gari nua yi yi sãa Labaari Gea ye ya ka bɛɛ faaba naawa, sanam mɛya i Kirisi naanɛ doke. Ma Gusunɔ u win tiin yĩreru doke bɛɛ sɔɔ ye u bɛɛ Hunde Dɛɛro kã win nɔɔ mWɛɛru u raã kua.

14 Hunde Dɛɛro wiya u sãa nge bɛɛn tubin suna ye Gusunɔ u win tɔmbu nɔɔ mWɛɛru kua. Ma u sun sɔɔmɔ kam kam ma sa ko tubi ye di sanam mɛ Gusunɔ u koo wigibu yakia mam mam. Kpa bu win yiiko siara.

Pɔlun kanaru

15 Yenin saabuwa saa dɔma tɛn di na bɛɛn naanɛ dokebu Yinni Yesu sɔɔn baaru nua ka nge mɛ i naanɛ dokeobu kpuro kã,

16 na ñ wasirare na kun ka Gusunɔ siare bɛɛn sɔ. Na bɛɛ yaayamɔ nen kanaru sɔɔ,

17 ma na bɛɛn Yinni Yesu Kirisin Yinni, wi u sãa Baaba yiikogii kana u bɛɛ ko laakarigibu kpa u bɛɛ yam bururasia i ka nùn gia.

18 Na maa nùn bikiamɔ u bɛɛn gɔrun nɔni wukia kpa i ka win yam bururam wa, kpa i n ka yɛ ye i yĩiyɔ yɛn sɔ u bɛɛ soka, ka nge mɛ win tubi gean kpãara nɛ ye u naanɛ dokeobu yiye,

19-20 ka nge mɛ win dam bakam mu sɔmburu mɔ bɛɛ be sa nùn naanɛ doke sɔɔ. Dam mɛ, mu sãa tem ka dam bakam mɛ u denda u ka Kirisi seeya gɔrin di ma u nùn sinasia win nɔm geuɔ wɔllɔ.

21 Miya Kirisi u wãa u wɔllun wirugibu kpuro kere ka min yiikogibu ka damgibu ka yinnibu kpuro ka yĩsiru baatere te ba koo kpĩ bu soku saa yeni sɔɔ ka maa saa ye ya sisi sɔɔ.

²² Ma Gusunə u dera u kua gāanu kpuron wirugii, ma u nùn wuna u ka ko wigibun yigberun Yinni boko.

²³ Yigbe te, ta sãa win wasi. Te sɔra win tii u wãa u yiba ma u yabu baayere yibiamə baama.

2

Gəən suuribu

¹ Gasə, i raa sãa nge be ba gu bɛɛn toranu ka bɛɛn mɛm nəə sarirun sɔ.

² I ra raa handunian kom kɔsum kpuro ko, ma i hunde kɔsi yi yi wãa wəllən wirugii wiru kpīya wi u sãa hunde ye ya sɔmburu mə sere ka tɛ tən be ba kun Gusunə mɛm nəəwammɛn gɔruə.

³ Geema, bɛsɛ kpuro sa raa sãawa nge be. Bɛsɛn gɔru kīru sɔra sa ra n sīimə ma sa baayere kua ye bɛsɛn wasi kī ka ye sa bwisika. Bɛsɛn marumara ta dera sa raa sãa be ba koo Gusunən məru wa nge be ba tie.

⁴ Adama Gusunən wənwəndu ta kpã win kīi bakarun sɔ te u sun kīa.

⁵ Sanam mɛ sa sãa nge gərību bɛsɛn toranun sɔ, u sun kua wasobu ka Kirisi sannu. N n mɛn na, win durom sɔna i faaba wa.

⁶ Gusunə u sun seeya gərin di ka Kirisi sannu kpa su bandu di ka wi sannu wəllə.

⁷ U sun win tən geeru sɔsi saa Yesu Kirisin min di, kpa su ka win durom bakam wa mɛ mu n nɔru mə sere ka baadommaə.

⁸ Domi Gusunən duroma ba ka bɛɛ faaba kua naanɛ dokebun sɔ. N n mə ka bɛɛn hania, Gusunən kɛra.

⁹ Ya n sãa bɛɛn sɔmburun are. Yen sɔna goo kun kpɛ u woo kana.

10 Domi sa sãawa Gusunɔn nɔman sɔmburu. U sun taka kuawa bɛɛ ka Yesu Kirisin gbinnɔa sɔɔ su ka sɔm geenu ko nɛn sɔɔru u kua saa yellun di.

Bwesenu kpuro kua tia

Kirisi sɔɔ

11 Yen sɔ, i ku duari ma ba bɛɛ marawa tɔn tukobu. Yera n dera be ba sokumɔ bangogibu, be ba ben tiin wasi bango kua, ba ra ka bɛɛ soku bango sarirugibu.

12 I yaayo ma sanam mɛ, i ka Kirisi toma, i sãa tɔn tukobu Isireliban mi, i n̄ bɔnu mɔ nɔɔ m̄wɛɛnu sɔɔ, ni Gusunɔ u win tɔmbu kua. I wãa handunia yeni sɔɔ n̄ n̄ ka yĩyɔbu, n̄ n̄ maa ka Gusunɔ.

13 Adama tɛ ye i ka Yesu Kirisi gbinnɛ, bɛɛ be i raa ka Gusunɔ toma, tɛ i wãa win bɔkuɔ Kirisin yem saabu.

14 Domi Kirisin tiiwa u ka sun bɔri yɛndu naawa ye u ka bwesenu yiru kua bwese teeru, ma u tusiru wuna te ta sãa nge gana ye ya raa bu buranɛ.

15 Ka win gɔɔwa u wooda kpeesia ka yen yiirebu ka yen sesenu, kpa u ka kpĩ u bwesenu yiru ye ko bwese kpa teeru dege dege win tii sɔɔ. Nge mɛya u ka bɔri yɛndu doke ben suunu sɔɔ.

16 Kirisi u tusi te kpeesia ka win gɔɔ dãa bunanaru wɔllɔ. Gɔɔ win saabuwa u bwesenu yiru ye kua teeru, ma u bu dorasia ka Gusunɔ. Be kpuro sannu ba kua nge wasi tee.

17 Nge mɛya Kirisi na u ka bɔri yɛndun labaari nɔɔsia bɛɛn mi, bɛɛ be i raa ka Gusunɔ toma, ka be ba wãa win bɔkuɔ.

18 Ka geema, Kirisin min diya bɛɛ kpuro, sa ko kpĩ su da Baaban wuswaɔɔ ka Hunde turo win somiru.

19 N n men na, i ñ maa sãa tɔn tukobu ñ kun mɛ sɔbu, tɛ i kuawa wuu teugibu ka naane dokeobu kpuro, i maa kua Gusunɔn yɛnugibu.

20 Bɛɛ maa i sãa nge gani yi ba bana kpɛɛkpɛɛku gen wɔllɔ ge gɔrobu ka Gusunɔn sɔmɔbu ba sura, Yesu Kirisin tiywa sãa gen gɔmburun dam.

21 Wi sɔɔra dii te, ta swɛɛɛ ma ta guniamɔ tu ka ko Gusunɔn wãa yeru.

22 Bɛɛ ka Kirisin gbinnan sɔ ba bɛɛ banisi dii te sɔɔ, ka be ba tie sannu i ka ko Gusunɔn Hunden wãa yeru.

3

Pɔlun sɔmburu

tɔn tukobun suunu sɔɔ

1 Yenin saabuwa nɛ Pɔlu na kanaru mɔ, nɛ wi Kirisin Yesu u dera na wãa pirisɔm sɔɔ bɛɛ tɔn tukobun sɔ.

2 Na yiyo kam kam ma i nua kɔ nge mɛ Gusunɔ u man durom kua n ka sɔmbu teni ko bɛɛn arufaanin sɔ,

3 ka nge mɛ win tii u man win asirin gari giasia. N wee na gari yin fiiko yoru kɔ.

4 I n gari yi gara i ko i tubu nge mɛ na Kirisin asirin gari yɛ.

5 Ba ñ gasɔgibu asiri ye sɔɔsi, adama tɛ saa win Hunden min di Gusunɔ u ye win gɔro be u gɔsa ka win sɔmɔbu sɔɔsi.

6 Asiri ye wee, Labaari Gean saabuwa tɔn tukoba kua tubi diobu ka Yuuba sannu. Be ka Yuuba ba kua wasi tee yin doo dooka, ba maa bɔnu mɔ nɔ mweɛ te sɔɔ, te Gusunɔ u kua Yesu Kirisin min di.

7 Na kua Labaari Gean sɔmɔ durom men saabu mɛ Gusunɔ u man kua ka win dam.

⁸ Ne wi na sãa naane dokeobu kpuron yãkabu, nena Gusunɔ u durom meni kua n ka gãa geenu nɔru sari ni nu wãa Kirisi sɔɔn labaari kpara tɔn tukobun mi.

⁹ Kpa n ka tɔmbu kpuro giasia nge me Gusunɔn himba asirigia ya koo ka koora. Gusunɔ wi u sãa gãanu kpuron Taka Kowo, u asiri ye berua saa yellun di,

¹⁰ kpa wɔllun wirugibu ka yikogibu bu ka win bwisin asansi gia saa Yesun yigberun di saa yeni sɔɔ.

¹¹ U kua nge me, win himban sɔ ye u mɔ u sere handunia taka kua, ma ya wiru goora Yesu Kirisi beɛɛn Yinni sɔɔ.

¹² Ye sa ka nɔn gbinnen saabu ma sa nɔn naane sãa, yen sɔna sa ko kãku su da Gusunɔn wuswaaɔ ka toro sindu.

¹³ N n men na, na beɛ kanamɔ i ku wurura nen nɔni swaarun sɔ te na waamɔ beɛn saabu. Tera ta sãa beɛn beɛɛɛ.

Kirisin k̄run kp̄ãaru

¹⁴ To, gari yin saabuwa na yiire Gusunɔ Baaban wuswaaɔ,

¹⁵ win min di bweseru baatere ta yara te ta wãa wɔllɔ ka te ta wãa temɔ.

¹⁶ Na nɔn kanamɔ u de win Hunde u beɛ dam k̄ɛ beɛn ḡɔruɔ nge me win yikon kp̄ãara ne,

¹⁷ kpa Kirisi u win wãa yeru ko beɛn ḡɔrusu sɔɔ beɛn naane dokebun saabu. Na maa kanamɔ u de i n nuuru mɔ kpa i n yɔ dim dim k̄ru sɔɔ.

¹⁸ Kpa beɛ ka naane dokeobu kpuro sannu i ka kp̄i i Kirisin k̄run yasum ka ten d̄ɛɛbu ka ten gunum ka ten dukum gia,

¹⁹ kpa tu beɛ yeeri, baa me ta tɔnun ȳru kere, kpa Gusunɔn daa ya n yiba beɛ sɔɔ mam mam.

²⁰ Gusunə u yiiko mə u ka ko n kere ye sa bikiamə, n̄ kun mε ye sa mam bwisikumə win dam saabu mε mu sɔmburu mə bεε sɔɔ.

²¹ Yen s̄, su n̄n bεεrε wē Yesun yigberu sɔɔ saa Yesu Kirisin min di saa baayere kpuro sere ka baadommaɔ. Ami.

4

Kirisin wasin nɔɔ tia

¹ N n̄ mεn na, i n̄ s̄imə nge mε n weenε be Gusunə u soka ba n̄ s̄imə. Nε Pɔlu, nε wi na w̄a pirisəm sɔɔ yèn s̄ na Yinnin w̄aru w̄a, nena na bεε yeni kanamə.

² I de i n̄ s̄imə ka tii kawabu, ka daa duudwia, ka suuru, kpa i n̄ k̄ru s̄ɔsinamə ka temanabu.

³ I hania koowo i n̄ ka nɔɔ tia s̄a ye ya wee Hunde Dεeron min di kpa i n̄ gbinne b̄ri yendu sɔɔ.

⁴ Sa Hunde turo mwa ma sa kua wasi tee. Nge mεya maa ȳiyɔ teeba sa mə yèn s̄ Gusunə u sun soka.

⁵ Yinni turowa sa mə ka naanε doke teebu ka maa batemu tia.

⁶ Gusunə turowa w̄a wi u s̄a baawure kpuron Baaba. Wiya kpuron sunə, wiya sɔmburu mə tɔmbu kpuron min di, u maa w̄a baawure kpuro sɔɔ.

⁷ Bεsen baawure u k̄ru mwa nge mε Kirisi u k̄i,

⁸ nge mε Gusunən gari yi gerumə yi nεε,
“Sanam mε u yɔɔwa w̄allə, u ka yobu da.

Ma u tɔmbu k̄nu b̄nu kua.”

⁹ T̄, mba “u yɔɔwa w̄allən” tubusianu. Yen tubusiana, u raa sarama w̄allun di u dua sere tem sɔɔwɔ.

¹⁰ N n̄ mεn na, wi u sarama wiya maa yɔɔwa sere Gusunə w̄allə kpa u n̄ w̄a baama.

11 Wiya u gabu gɔsa bu ka ko gɔrobu, gabu sɔmɔbu, gabu waasu kowobu, gabu Yesun yigberun wirugibu, gabu keu koosiobu.

12 U bu gɔsa bu ka naanɛ dokeobu sɔɔru ko win sɔmburun sɔ, kpa bu ka Yesun yigberu te ta sɔa win wasi tɔsisia.

13 Nge meya beɛɛ kpuro sa ko ka gia ma gɔa teena sa naanɛ doke, sa maa gɔa teenu gia Gusunɔn Bii sɔɔ, kpa su ko tɔn girobu nge me Kirisin tɔn girora nɛ.

14 Sa n̄ ko sa n maa sɔa nge bibu be ba koo ka sɔɔsi kpaaru baatere bɔrikiã nge woo guna, n̄ kun me be ba nɔni wɔkumɔ ma ba bu swaa nim wiamɔ ka bwisi.

15 Adama sa n gem kparamɔ ka k̄ru kpa su kpɛã gɔanu kpuro sɔɔ su ka Kirisi kpɛãru turi wi u sɔa wiru.

16 Win miya beɛɛ be sa sɔa win wasin doo dooka kpuro sa sɔrisinɛ, ma wasi kpuro yi swɛɛnɛ ka yin gbin gbinka. Tɛ, gbindu baatere tã n sɔmburu mɔ nge me n weenɛ, wasi kpuro ra n kpɛãmɔwa yi n sosimɔ ka k̄ru.

Wɔã kpaaru Kirisi sɔɔ

17 Wee ye na beɛ sɔɔmɔ ka Yinnin ȳsiru. I ku maa de i n s̄imɔ nge tɔn tukobu be ba ben bwisiku kamginu sw̄ii.

18 Ba yam bia ben laakari sɔɔ. Ba n̄ wɔã te Gusunɔ u wɛɛmɔ ȳɛ, ben ȳɛru sariru ka ben gɔru bɔbunun sɔ.

19 Ba n̄ maa sekuru garu mɔ, ba ben tii ȳsusiwa toraru sɔɔ mam mam bu ka daa disinugia kpuro ko ka binɛ.

20 Adama beɛɛ, n n̄ me, i gia Kirisin min di.

21 Geema, i win gari nɔɔre kam kam, ma ba bɛɛ gem giasia mɛ mu wāa Yesu sɔɔ.

22 Ye i gia, yera i bɛɛn daa gura pweto ye ya sāa bɛɛn gasɔn wāaru, ye binɛ kankam ya nɔni wɔkua ya ka kam kobu dɔɔ.

23 Kpa i n gɔru kpaasu ka bwisiku kpaanu mɔ mam mam,

24 kpa i daa kpaasebe ye ya ka Gusunɔgia weene ma ya sɔɔsiramɔ wāa geeru sɔɔ te ta dɛere ma ta wee saa gem garin min di.

25 Yen sɔ, i ku maa weesu ko. I de baawure u n da win winsim gem sɔ domi sa sāawa wasi teen doo dooka.

26 Baa i n mɔru bara, i ku de yu bɛɛ torasia, i ku maa de ya n bɛɛ wāasi sere sɔɔ u ka du.

27 I ku ra de Setam u naa swee yeru wa.

28 Wi u ra raa gbɛni u ku maa gbɛni adama u doo u ka win nɔma sɔm geeru ko kpa u n gāanu mɔ u ka sāarobu somi.

29 I ku de gari kɔsi yi yari bɛɛn nɔɔ sɔɔn di, ma n kun mɔ gari gee yi yi somiru mɔ kpa yi n sāa arufaanigii be ba swaa dakin mi.

30 I ku Gusunɔn Hunde Dɛero nuki sanku, domi Hunde wi, u sāawa Gusunɔn yīreru bɛɛ sɔɔ te ta sɔɔsimɔ ma Gusunɔ u koo sun yakia mam mam.

31 I ku yiberɛ tɛeru yi gɔruɔ, ka maa mɔru ka nuku gbisibu. I ku maa wɔkisina n kun mɛ i wɔnna, i nuku kɔsu kom baamere derio.

32 I durom kuanɔ kpa i n wɔnwɔndu mɔɔsine. I suuru kuanɔ nge mɛ Gusunɔ u bɛɛ suuru kua Kirisin sɔ.

Wāaru yam bururam sɔɔ

¹ Tē, yèn sɔ i sãa bii be Gusunɔ u kī, i hania koowo i n ka m̀ nge wi.

² I de bεεn wāarun kookoosu su n kīru m̀ nge mε Kirisi u sun kīa ma u win wāaru wē bεεn sɔ nge yāku nubu durorugiru te ta Gusunɔ dore.

³ Yèn sɔ i sãa naane dokeobu i ku de kɔɔ mennabu tantanaru sɔɔ n̄ kun mε daa disinugia n̄ kun mε binε, yen gaa yu nɔɔra bεεn suunu sɔɔ.

⁴ I ku maa de sekurun gari n̄ kun mε wiira gari n̄ kun mε gari kankam yu yari bεεn nɔɔ sɔɔn di domi n̄ ka bεε weene, adama i de i n Gusunɔ takaru m̀.

⁵ I de i n yē kam kam ma be ba kɔɔ mennamɔ tantanaru sɔɔ, n̄ kun mε daa disinugiagibu, ben goo kun bɔnu wasi Gusunɔ ka Kirisin bandu sɔɔ. Meya maa binεgii, domi binεgii sãawa nge bũu sãɔ.

⁶ I ku ra de goo u ka bεε gari diri swaa nim wia, domi yenin sɔna Gusunɔn mɔru wee ben wirɔ be ba n̄ n̄n mεm nɔɔwammε.

⁷ Yen sɔ, i ku de i n gāanu mɔɔsinε bεε ka tɔn ben bweseru.

⁸ Yellu bεεn tii i raa wāawa yam wɔkuru sɔɔ. Adama tē, bεε ka Yinnin gbinnaan sɔ, i wāa yam bururam sɔɔ. N n mēn na, i de i n sīimɔ nge yam bururamgibu.

⁹ Domi wi u sīimɔ yam bururam sɔɔ wiya ra n tɔn geerun kom bwese bweseka m̀ ka gean kobu ka maa gem gerubu.

¹⁰ I kookari koowo i ka gia ye ya koo Yinni wēre.

¹¹ I ku tii kpēε kookoo kamgisu sɔɔ si tɔmba m̀ yam wɔkuru sɔɔ. Adama i su terasio yam bururam sɔɔ.

¹² Seku bakara i n nua ye tɔn be, ba m̀ asiri sɔɔ.

13 Adama kookoo si, sù n tera yam bururam sɔɔ, su koo sɔɔsira kpasasa.

14 Geema gãanu baanire ni nu sɔɔsira kpasasa, nu ra kowa yam bururam. Yen sɔna Gusunɔn gari nɛɛ, “A yando wunɛ wi a do.

A seewo gɔrin di.

Kpa Kiriŋi u nun yam bururasia.”

15 N n mɛn na, i bɛɛn sanu sanusu laakari koowo. I ku de i n sɔimɔ nge be ba ku ra bwisiku, adama i n sɔimɔ ka laakari.

16 Saa ye i mɔ kpuro, i ye dendio ka laakari domi saa yeni, saa kɔsa.

17 Yen sɔ tɛ, i ku de i n sãa be ba ku ra bwisiku, adama i hania koowo i ka gia ye Yinni u kɔi ko.

18 I ku de tam mu bɛɛ go, domi mi sɔra daa bɛrɛtɛkɛ wãa, adama i de Hunde Dɛero u n bɛɛ yiba.

19 I de womu si i ka Gusunɔ siaramɔ su n wãa bɛɛn faagi sɔɔ, i n Yinni tɔmamɔ ka siarabun womusu bɛɛn gɔruɔ.

20 I n Gusunɔ Baaba takaru mɔ saa baayere gãanu kpuron sɔ ka bɛɛn Yinni Yesu Kiriŋin yɔsiru.

Durɔbu ka ben kurɔbun

wãasinãa

21 I wiru kpɔiyano yɛn sɔ i Kiriŋi bɛɛrɛ wɛɛmɔ.

22 Bɛɛ kurɔbu, i bɛɛn durɔbu wiru kpɔiyɔ nge mɛ i ko Yinni kua.

23 Domi durɔwa sãa win kurɔn wirugii nge mɛ Kiriŋi u sãa win yigberun wirugii. Yigbɛ te, ta sãa win wasi, wiya maa sãa ten Faaba kowo.

24 Nge mɛ yigbɛ te, ta Kiriŋi wiru kpɔiyɛ, nge mɛya n weɛn kurɔbu ba n ben durɔbu wiru kpɔiyɛ gãanu baanire sɔɔ.

²⁵ Bεε maa durɔbu i bεen kurɔbu kĩa, nge mε Kirisi u win yigberu kĩa ma u win wāaru wē ten sō.

²⁶ U kua mε, u ka tu dεerasia ka win gari yi yi sāa nge nim, kpa u ka tu tii yiya.

²⁷ Domi u kĩa tu na win wuswaaɔ ka ten bεεε kpuro, ta kun disinu ganu mɔ, ñ kun mε suriki surikinu, ñ kun mε serere gaa. U kĩa ta n dεere kpa ta kun taare gaa mɔ.

²⁸ Meya n weenε durɔbu bu ben kurɔbu kĩa nge mε ba ben tiin wasi kĩa. Wi u win kurɔ kĩa, u win tii kĩa.

²⁹ Goo sari wi u win tiin wasi tusa, u ra yi diisiewa kpa u yi nɔɔri nge mε Kirisi u mɔ win yigberun sō.

³⁰ Domi sa sāawa win wasin doo dooka.

³¹ Nge mε Gusunɔn gari yi gerumɔ yi nεε, “Yen sōna durɔ u koo win tundo ka win mero deri, kpa wi ka win kurɔ ba n maninε kpa be yiru kpuro bu ko wasi tee.”

³² Gari yi, yi sāawa gari giri yi yi raa berua, adama Kirisi ka win yigberun wāasinaawa na ka yā.

³³ Ka mε, i de durɔ baawure u n win kurɔ kĩa nge win tii, kpa kurɔ baawure u n win durɔn bεεε yē.

6

Bibu ka ben mɔwɔbu

¹ Bεε bibu i bεen mɔwɔbu mem nɔwɔ nge mε Yinni u kĩa domi yeya ya wā.

² Wooda gbiikaa ye ya nɔɔ mwεeru mɔ wee. “A wunen tundo ka wunen mero bεεε wēyɔ,

³ kpa a n ka nuku dobu mɔ, kpa wunen hunde yu daka da handunia mi.”

⁴ Bεε tundobu i ku bεen bibu mǝru barasia, adama i bu nenuǝ ka nǝni dokebu kpa i bu Yinnin gari keu ko.

Yobu ka ben yinnibu

⁵ Bεε yobu i bεen yinnibu mem nǝwǝ handunia mi, ka nasiaru ka diiribu n kun ka murafitiru, kpa n sǝa nge Kirisiwa i sǝamǝ.

⁶ N n mǝ sanam mε ba bεε yǝre tǝna, i ka bu tǝn geeru sǝǝsi. I Gusunǝn kīru koowo ka bεen gǝru kpuro nge Kirisin yobu.

⁷ I bu sǝawǝ ka hania kpa n sǝa nge Yinniwa i kuammε, n n mǝ tǝnu tǝna.

⁸ I n yε ma Yinni u koo baawure win sǝm gee ni u kuan are kǝsia, baa n n yoon na, n kun mε tii mǝwǝ.

⁹ Yen sǝ, bεε yinnibu i maa bεen yobu kuo nge mε, i ku bu dam dǝre. I n yε ma bεε ka be, Yinni turowa i mǝ wǝllǝ wīn mi goo kun goo.

Naane dokeon tabu yǝnu

¹⁰ Ye ya tie na kī n bεε sǝ wee. Bεε ka Yinnin gbinnaa sǝǝ i de win dam bakam mu bεε dam kε.

¹¹ I tabu yǝnu kpuro sebuo ni Gusunǝ u bεε wεemǝ, kpa i ka kpī i yǝra dim dim i Setam bwisi yina.

¹² Domi n n mǝ tǝmba sa ka gabirinamǝ, ma n kun mǝ ka wǝllun wirugibu ka yiikogibu, ka yam wǝkurun sina bibu, ka maa wom dirum siini kǝsi.

¹³ Yen sǝ, i Gusunǝn tabu yǝnu kpuro suo i sebe kpa i ka kpī i ka tii yina wahalan tǝru sǝǝ, kpa i yǝra dim dim ye kpuron biru.

¹⁴ N n men na, i seewo i yǝra dim dim kpa i n gem sεke bεen pǝraǝ nge kpaka, kpa i n kookoo geesu sebua nge tarakpe.

15 I de alafian Labaari Gea ya n sãa nge beɛn baranu ni i ko ka tãsi.

16 Yeni kpuron biru i naane dokebu nenuo nge tereru kpa i ka kpĩ i tɔn kãson sɛɛ dõoginu gbara.

17 I faaba mɔɔ nge sii furɔ kɔkɔru, ka maa Gusunɔn gari nge takobi ye Hunde u beɛ wɛɛmɔ.

18 I n kanaru mɔ saa baayere kpa i n Gusunɔn somiru bikiamɔ nge mɛ Hunde Dɛɛro u beɛ sãosimɔ. I seewo i yõra kpa i n temane, kpa i n kanaru mɔ naane dokeobu kpuron sɔ.

19 I maa kanaru koowo nen sɔ, nà n nɔɔ wukia, n gari wa n gere n ka Labaari Gean gari yi yi raa berua nɔɔsia ka toro sindu.

20 Na sãawa gari yin gɔro baa mɛ na tɛ wãa pirisɔm sɔɔ. Yen sɔ, i kanaru koowo kpa n kpĩ n gari yi kpara ka toro sindu nge mɛ n weenɛ.

Nɔɔ kana tɔbiribu

21 Besen kĩnasi Tisiki wi u sãa sɔm kowo naanegii Yinnin sɔmburu sɔɔ, u koo beɛ nen labaari kpuro sɔ kpa i n ka yɛ nge mɛ na ka wãa.

22 Yen sɔna na beɛ nùn gɔriammɛ u ka beɛ sɔ nge mɛ sa ka wãa u ka beɛn gɔrusu yemiasia.

23 Kpa Gusunɔ Baaba ka Yinni Yesu Kirisi bu beɛgibu alafia ka kĩru wɛ ka naane dokebu sannu.

24 Kpa Gusunɔn durom mu n ka be kpuro wãa be ba beɛn Yinni Yesu Kirisi kĩ ka kĩi te ta ñ nɔru mɔ.

Bibeli Gusunɔn Gari
The Holy Bible in the Baatonum language of Benin,
also called the Bariba language

copyright © 2013 SIM

Language: Bariba (Baatonum)

Translation by: SIM International

Bariba, Bibeli Gusunɔn Gari

This translation, published by the UEEB/SIM au Benin, was published in 1996.

If you are interested in obtaining a printed copy, please contact the SIM at SIM, BP 15, Parakou, Benin.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-10

PDF generated using Haiola and XeLaTeX on 18 Apr 2025 from source files
dated 29 Jan 2022
00601790-b883-5da1-83f2-d05a7fa289a8